

REGIONAL NEWS UNIT
ALL INDIA RADIO, AGARTALA

Date: 19-02-2018

Time: 07:35-07:40 AM Hrs

BENGALI MORNING BULLETIN

ভোট:

দ্বাদশ রাজ্য বিধানসভা নির্বাচনের জন্য ৫৯টি আসনে ভোট গ্রহণ শান্তিপূর্ণভাবে শেষ হয়েছে। রাজ্য বিধানসভা নির্বাচনে গতকাল পাওয়া প্রাথমিক হিসাবে ৭৮.৫৬ শতাংশ ভোট পড়ার খবর পাওয়া গেছে। গতকাল রাতে সাংবাদিক সম্মেলনে রাজ্যের মুখ্য নির্বাচন আধিকারিক শ্রীরাম তরনীকান্ত এই খবর জানান। তিনি বলেন, গতকাল বেশ কিছু বুথে EVM-এর VVPAT যন্ত্রে গোলযোগ ধরা পড়েছে। এই সব যন্ত্র মেরামত এবং পরিবর্তন করে পুনরায় ভোট গ্রহণ করা হয়। এর জন্য গতকাল বেশ কিছু বুথে নির্ধারিত সময়ের পরেও ভোট গ্রহণ চলে। তিনি বলেন, গোলযোগ ধরা পড়ায় ১৯৯টি VVPAT পরিবর্তন করতে হয়েছে। EVM-এর ৭৯টি কন্ট্রোল ইউনিট এবং ৬৯টি ব্যালট ইউনিটে গোলযোগ ধরা পড়েছে বলে তিনি জানান। তিনি জানান, BJP এবং

CPI(M)-এর পক্ষ থেকে কিছু বুথে পুনরায় ভোট গ্রহণের দাবি করা হয়েছে। EVM এবং VVPAT-এ এই গোলযোগের ফলে ভোট দানে যে বিঘ্ন ঘটে তাতে তিনি দুঃখ প্রকাশ করেছেন।

EVM Stronge Room:

ভোট কর্মীর দলের সবাই গতকাল রাতে যার যার গননা কেন্দ্রে ফিরেছেন। ভোট বন্দী EVM-এর VVPAT গুলো কড়া নিরাপত্তার মধ্যে রাখা হয়েছে। আগামী ৩রা মার্চ রাজ্যের ২০টি গননা কেন্দ্রে ভোট গননা করা হবে। অতিরিক্ত মুখ্য নির্বাচন আধিকারিক দেবশীষ মোদক আজ এই খবর জানিয়েছেন।

বিধানসভা ভোট:

রাজ্য পুলিশের মহানির্দেশক এ.কে শুল্লা জানিয়েছেন, ভোট গ্রহণ পর্ব শান্তিপূর্ণভাবে সম্পন্ন করার জন্য রাজ্যের সর্বত্র কড়া নিরাপত্তা ব্যবস্থা গ্রহণ করা হয়েছিল। আইনশৃঙ্খলা শান্তিপূর্ণ রাখার জন্য কেন্দ্রীয় আধা-সামরিক বাহিনী পুলিশ ও টি.এস.আর

জওয়ানরা আন্তরিকতার সঙ্গে কাজ করেছেন।
এরফলে ভোটাররাও সর্বত্র নির্ভয়ে তাদের
ভোটাধিকার প্রয়োগ করেছেন।

চড়িলাম:

চড়িলাম বিধানসভা আসনের জন্য নির্বাচন হবে
১২ই মার্চ। মনোনয়ন পত্র জমা নেবার শেষ দিন
২২ ফেব্রুয়ারী। স্কুটিনি ২৩ ফেব্রুয়ারী। মনোনয়ন
পত্র প্রত্যাহারের শেষ দিন ২৬ ফেব্রুয়ারী।
সিপিআই(এম) প্রার্থীর মৃত্যুতে আসনটিতে নির্বাচন
স্বগিত হয়ে যাওয়ায় এখন শুধুমাত্র সিপিআই(এম)
প্রার্থীই মনোনয়ন পত্র জমা দিতে পারবেন। অন্য
রাজনৈতিক দলের প্রার্থীরা ইতিমধ্যে প্রতিদ্বন্দিতায়
অবতীর্ণ থাকায় তাদের ক্ষেত্রে মনোনয়ন পত্র জমা
দেবার বিষয়টি থাকবে না। উল্লেখ্য, সিপিআই(এম)
প্রার্থী রমেন্দ্র নারায়ণ দেববর্মার মৃত্যুতে এই
আসনটির নির্বাচন স্বগিত হয়ে যায়।

ভোট প্রতিক্রিয়া:

ভোট গ্রহণ পৰ্ব শান্তিপূৰ্ণভাবে সম্পন্ন হওয়ায় BJP-ৰ
ৰাজ্য দলের পক্ষ থেকে রাজ্যের ভোটারদের
অভিনন্দন জানানো হয়েছে। গতকাল রাতে BJP-ৰ
মুখপাত্র ডা: অশোক সিনহা সাংবাদিক সন্মেলনে
জানান ভোটাররা দুয় মানসিকতা নিয়ে দীৰ্ঘক্ষণ
লাইনে দাঁড়িয়ে ভোট দিয়েছেন।

এদিকে, বামফ্রন্ট রাজ্য কমিটির পক্ষ থেকেও এক
বিবৃতিতে ব্যাপক অংশে ভোটদানে অংশ নেওয়ায়
ভোটারদের অভিনন্দন জানানো হয়েছে।

কংগ্ৰেস:

প্ৰদেশ কংগ্ৰেসের পক্ষ থেকে গতকাল সন্ধ্যায় এক
সাংবাদিক সন্মেলনে রাজ্যের সব ভোটার, ভোটকৰ্মী
এবং নিৰাপত্তা বাহিনীকে অভিনন্দন জানানো হয়।
দলের পক্ষ থেকে জানানো হয়, ভোট মোটামুটি
শান্তিপূৰ্ণভাবে সম্পন্ন হয়েছে। তবে রাজ্যের বিভিন্ন
বিধানসভা কেন্দ্ৰে প্ৰায় আড়াইশোটি ই.ভি.এম এবং
ভি.ভি.প্যাট খাৰাপ হয়েছে। এতে ভোটার, ভোটকৰ্মী
প্ৰাৰ্থী এবং নিৰাপত্তা কৰ্মী সকলকে মানসিক যত্নগা
সহ্য করতে হয়েছে। এটা মোটেই কাম্য নয় বলে
কংগ্ৰেস নেতা হৰেকৃষ্ণ ভৌমিক অভিমত ব্যক্ত

করেন। তিনি অভিযোগ করেন নির্বাচন কমিশনের পক্ষ থেকে সুষ্ঠু এবং অবাধ নির্বাচনের যে আশ্বাস দেয়া হয়েছে তা সম্পূর্ণ ব্যর্থ হয়েছে।

প্রেসিডেন্ট:

স্ব-রোজগারকে উৎসাহ দেবার জন্য সরকার বিভিন্ন প্রকল্প চালু করেছে। নয়াদিল্লীর পি.জি.ডি.এ.ভি কলেজের হীরক জয়ন্তী বর্ষ উদযাপন উপলক্ষ্যে আয়োজিত এক অনুষ্ঠানে রাষ্ট্রপতি রামনাথ কোবিন্দ একথা বলেন। রাষ্ট্রপতি ছাত্রদের উদ্দেশ্যে বলেন যে, তারা যেন নিজেদের সুযোগ সুবিধার সাথে সাথে অন্যদের উন্নয়নের জন্যও সরকারী এই সুযোগগুলির সদব্যবহার করে।

কানাডার প্রধানমন্ত্রী:

ভারত সফরে এলেন কানাডার প্রধানমন্ত্রী জাস্টিন ট্রুডো আজ আগ্রা তাজমহল পরিদর্শন করেন। কানাডার প্রধানমন্ত্রী ৮ দিনের ভারত সফরে গতকালই সন্ধ্যায় নয়াদিল্লিতে এসেছেন। ৮ দিনের সফরে প্রধানমন্ত্রী আহমেদাবাদ, মুম্বাই এবং

অমৃতসরও যাবেন। আগামী শুক্রবার তিনি প্রধানমন্ত্রী নরেন্দ্র মোদীর সাথেও সাক্ষাৎ করবেন। বানিজ্য, নিরাপত্তা, সন্ত্রাসবাদ মোকাবিলা সহ বিভিন্ন বিষয়ে দ্বি-পাক্ষিক আলোচনা হওয়ার কথা রয়েছে দুদেশের প্রধানমন্ত্রীর মধ্যে।

শ্রী জাস্টিন আজ গুজরাট যাবেন। তিনি আমেদাবাদে সবারমতী আশ্রমে এবং গান্ধীনগরে অক্ষরধাম মন্দিরে যাবেন। তিনি আমেদাবাদে ইনস্টিটিউট অফ ম্যানেজমেন্ট বক্তব্য রাখবেন।

মন-কি-বাত:

প্রধানমন্ত্রী নরেন্দ্র মোদী এ মাসের ২৫ তারিখ, রবিবার সকাল ১১টায় আকাশবাণীর ‘মন-কি-বাত’ অনুষ্ঠানে দেশ-বিদেশের জনগনের সঙ্গে মত-বিনিময় করবেন। এটি মন-কি-বাতের ৪১তম পর্ব। এক টুইট বার্তায় প্রধানমন্ত্রী জনগণকে তাদের পরামর্শ নরেন্দ্র মোদী এপে পাঠাতে বলেছেন। জনগণ তাদের মতামত ও পরামর্শ my gov open forum-এ অথবা Toll-ফ্রি নম্বর 1000-00-7800 এই নম্বরে হিন্দী ও ইংরেজীতে রেকর্ড করতে পারবেন। এছাড়াও 1922 এই নম্বরে মিস-কল দিয়ে যে লিঙ্ক

পাওয়া যাবে, তাতে সরাসরি প্রধানমন্ত্রীকে নিজের পরামর্শ পাঠানো যাবে।

আবহাওয়া:

আজ দুপুর পর্যন্ত আবহাওয়ার পূর্বাভাসে জানানো হয়েছে আকাশ প্রধানত পরিষ্কার থাকবে। সকালের দিকে হালকা কুয়াশা ছিল। আজ সকালের দিকে সর্বনিম্ন তাপমাত্রা ছিল ১৩.৮ ডিগ্রি সেলসিয়াস। দিনের সর্বোচ্চ তাপমাত্রা থাকবে ৩০ ডিগ্রির কাছাকাছি।
